



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Formvlae Qvaedam Cavte Et Citra Scandalum loquendi de  
præcipuis Christianæ doctrinæ locis**

**Rhegius, Urbanus**

**Bonnae, 1544**

**VD16 R 1801**

15 Traditiones humanæ.

**urn:nbn:de:hbz:466:1-35397**

si Christus ipse uisibiliter nos absolue-  
ret, sicut absoluit Magdalenam & Para-  
lyticum.

Communicaturi debent ante perce-  
ptionem uenerabilissimi Sacramēti di-  
ligenter examinari in confessione, non  
multi simul, sed singuli, ut pastor ex-  
ploret, an intelligāt Catechismum, an  
sciant cur sit communicādum, & quid  
in Sacramento sit quærendum.

### QVOMODO DE HV<sup>s</sup> manis traditionibus caute loquendum.

**N**on omnes traditiones hominū  
sunt reiiciendæ, & in primis mone-  
mus, ne ciuiles ordinatiōes & leges in-  
ter traditiōes humanas collocetis. Nā  
hoc uocabulo solemus uti, quoties de  
constitutionibus Episcoporum in Ec-  
clesia loquimur. Et tantum illas tradi-

E iij tiones

tiones reiicimus, quæ uel apertè reluc-  
tantur uerbo Dei, ut doctrina de Sacri-  
ficio Missæ, quòd mereatur remissio-  
nem peccatorum, pro uiuis & mortuis,  
Doctrina de cœlibatu impuro, quòd Sa-  
cerdotes & Monachi peccent contra-  
hendo matrimonium, uel quoties Epi-  
scopi aut Sacerdotes condunt leges, uel  
traditiones, quibus Deus sit colendus,  
& quibus iustificari peccatores debeât,  
quales traditiones sunt in Monacha-  
tu de cibis & uestitu uario, quibus pu-  
tarunt se colere Deum, posuerunt pec-  
catum in transgressione talium do-  
ctrinarum, & iusticiam in earum ob-  
seruatione.

Tales doctrinas Christus Matth.  
XV. apertè improbat & damnat, dicēs:  
Hypocritæ, recte de uobis prædixit I-  
saias, Appropinquat mihi populus hic  
ore suo, & labiis me honorat, cæterum  
cor eos

cor eorum procul abest à me, sed frustra me colunt, docētes doctrinas præceptaq; hominum, *Es ist eitel vergiblicher vnnützer dienst.* Sed quædam traditiones in Ecclesia fiunt bono fine, nempè propter ordinem seruandum. Apostolus enim non frustra Corinthios monuit, ut in Ecclesia omnia decenter, & secundum ordinem fiant. I. Cor. XIII. In his nõ quærimus iusticiã, sed rudes quasi pædagogia quædam retinemus in officio, ut discant reuerenter tractare sacra. Sic seruamus diem dominicum, sic Episcopus præscribit ieiunium propter orationẽ feruentius celebrãdam, statuitur dies quo ad audiendum uerbum Dei, & percipienda Sacramenta populus conuenire debet, præcipua anni Festa, de Natiuitate, Circūcisione, Passione & Resurrectione, Ascensione Domini, Spiritus

E iij sancti

sancti missione, de Annūciatione ange-  
lica, de Ioanne Baptista, seruamus, ut  
mysteria Euangelii præcipua, quæ in  
iis commemorantur, memoriis homi-  
num efficacius infigantur, & tenacius  
inhæreant.

Contra huiusmodi traditiones, quæ  
de rebus mediis constitutæ sunt, ordi-  
nis gratia, nemo debet concionari, sed  
eas approbare, ne simplices à talibus cæ-  
remoniis & traditionibus deterriti, inci-  
pian omnia pietatis exercitia contēne-  
re, sicut fit, ubi prædicatores sine diffe-  
rentia omnes traditiones reiiciunt, ut  
iam uidemus in multis locis populum  
non intrare templū, uel si intrant, nihil  
curare omnia sacra. Cuius erroris auto-  
res sunt indocti & temerarii prædicato-  
res, qui sine modo, & sine discrimine o-  
mnibus cæremoniis, & traditionibus re-  
clamāt, donec populus etiā contemne-

re cœ

re cœpit publicas conciones, & sacramē  
torum administrationem.

Ex iis facile intelligimus, quomodo  
de cæremoniis & festis sentiendum &  
loquendum sit caute. Cæremoniis Ec-  
clesia militans in carne carere non po-  
test, quare si non sunt palam aduersa-  
riæ uerbo Dei, sed boni ordinis gratia  
hactenus seruata, sine impia opinione  
iustitiæ per eas acquirendæ, certè non  
sunt abiiciendæ, sed pacis gratia custo-  
diendæ, ne offendantur simplices. Ma-  
gni tumultus & infinita scandala oriun-  
tur ex huiusmodi cæremoniarum mu-  
tatione, ut in Historiis Ecclesiasticis Eu-  
sebii, & aliorum, clare legimus. Quare  
pius & prudens pastor diligenter caue-  
bit, ne subita talium rerum mutatione  
scandala pariat. Quare utile est, ut illa-  
rum similitudo retineatur, ne uestes  
Ecclesiasticæ, quibus in administratiōe

Sacramentorum utimur, reiiciantur,  
sed retineantur propter decorum in li-  
bertate Christiana.

Similiter Festa non sunt statim abe-  
roganda, ut populus assuescat certis sal-  
tem diebus audire uerbū Dei, & sacris  
interesse, eorumq; participatione exer-  
ceatur ad pietatem.

### QVOMODO CAVTE de Ieiunio loquendum.

**D**Vplex est Ieiunium, quotidianū  
& speciale. Quotidianū est, quo-  
tidiana Christianorum sobrietas & tē-  
perantia. Semper enim à crapula & e-  
brietate cauere debent, iuxta admoni-  
tionem Christi, Lucae XXI. ut semper  
integris sensibus queant glorificare no-  
men Domini. Ad hoc passim urget Scri-  
ptura, Ephes. V. Ne inebriemini uino  
in quo luxus est, sed impleamini Spiri-  
tu, lo